

潞安府志卷之一

星野

周禮保章氏以星土辨九州分野後之占驗者準焉顧天道遠而難知躔次分野人持其見况潞爲天黨而參井畢昴之說輿鬼觜觿之論尤如聚訟爰以考據辨正分類并列俟博雅之君子有所折衷云作星野志

左傳昭元年子產曰后帝遷實沈於大夏主參

后帝堯也大夏

今晉陽縣

又曰武王邑姜夢帝謂已余命而子曰虞將與之

唐屬諸參而蕃育其子孫故參爲晉星由是觀之則實

潞安府志

卷之一 星野

一

沈參神也

國語實沈之虛晉人是居所以興也

以上主實沈參分

明史天文志畢七度至井八度實沈之次也山西之太原府永忻代平定保德岢嵐六州平陽府皆參分絳蒲吉陽解霍六州皆背參分澤汾二州皆參分潞沁遼三州皆參井分

圖書編山西諸郡太原參井分野平陽背參分野潞安參井分野

以上主實沈參井分

周官大司徒以土宜之法辨十有二土之名物康成註十二土分野十二邦上繫十二次大梁趙也實沈晉也

史記天官書昴畢冀州觜觿參益州史記正義括地志云漢武帝置十三州改梁州爲益州廣漢今益州咎縣是也分今河內上黨雲中

漢書地理志趙地昴畢之分犇趙分晉得趙國西有太原定襄雲中五原上黨上黨本韓之別都也遠韓近趙後卒降趙皆趙分也

皇甫謐帝王世紀自胃七度至畢十一度曰大梁之次斗建在辰今趙分野自畢十二度至東井十五度曰實沈之次斗建在巳今晉魏分野

春秋緯昴畢間爲天街散爲冀州分爲趙國立爲常山

潞安府志

卷之一 星野

二

東井鬼星散爲雍州分爲秦國得東井動深之萌其氣險也觜參流爲益州益之言隘也謂物類並決其氣急切決列也管室流爲并州分爲衛國并之爲言誠也精舍交并其氣勇抗誠信也 以上主昴畢分

晉書天文志自危十六度至奎四度爲娵訾於辰在亥衛之分野屬并州自胃七度至畢十一度爲大梁於辰在西趙之分野屬冀州自畢十二度至東井十五度爲實沈於辰在申魏之分野屬益州 昴畢趙冀州 觜參魏益州 東井輿鬼上黨入輿鬼二度

文獻通考上黨入輿鬼三度握天樞上黨入輿鬼二度

而晉書亦云入鬼二度 以上主與鬼分

唐書天文志一行以爲天下山河之象存乎兩戒北戒自三危積石及王屋太行北抵常山之右是謂北紀南戒自岷山嶓冢達東甌閩中是謂南紀 北紀山河之曲爲晉代南紀山河之曲爲巴蜀皆負險用武之國也 觀兩河之象與雲漢之所始終而分野可知東井據百川上流故鶉首爲秦蜀墟得兩戒山河之首始居列宿上觜觿參伐皆直天關表而在河陰故實沈下流得大梁距河稍遠涉陰亦深故其分野自漳濱卻負恒山居北紀衆山之東南外接髦頭地皆河外陰國也 近

潞安府志

卷之一

星野

三

代諸儒言星土者或以州或以國虞夏秦漢郡國廢置不同周之興也王畿千里及其衰也僅得河南七縣今又天下一統而直以鶉火爲周分則疆場舛矣七國之初天下地形雌韓而雄魏魏地西距高陵盡河東河內北固漳鄴東分梁宋至於汝南韓據全鄭之地南盡潁川南陽西達虢畧距函谷固宜陽北連上地皆綿亘數州相錯如繡考雲漢山河之象多者或至十餘宿其後魏徙大梁則西河合於東井秦拔宜陽而上黨入於輿鬼方戰國未滅時星家之言屢有明效今則同在畿甸之中矣而或者猶據漢書地理志推之是不知變通之

數也今更以度數紀之而著其分野 觜觿參伐實沈也初畢十度中參七度終東井十一度自漢之河東及上黨太原盡西河之地古晉魏虞唐耿揚霍冀黎郇與西河戎狄之國西河之濱所以設險限秦晉故其地上應天關其南曲之陰在晉地衆山之陽南曲之陽在秦地衆山之陰陰陽之氣并故與東井通河東永樂芮城河北縣及河曲豐勝夏州皆東井之分參伐爲戎索爲武政當河東盡大夏之墟上黨次居下流與趙魏接爲觜觿之分 東井與鬼鶉首也初東井十二度中東井二十七度終柳六度自漢三輔及北地上郡安定西自

潞安府志

卷之一

星野

四

隴坻至河右西南盡巴蜀漢中之地及西南夷犍爲越雋益州郡極南河之表東至牂牁東井居兩河之陰自山河上流當地絡之西北與鬼居兩河之陽自漢中東盡華陽與鶉火相接 以上主觜觿分

澤州志按參晉星也韓趙魏衛之界晉土也然亦大略耳班固配十二次自胃七度中昴至畢十一度爲大梁辰在西趙之分野屬冀州自危十六度中室至奎四度爲姬訾辰在亥衛之分野屬并州陳卓京房張衡並云昂畢趙冀州營室東北衛并州故太原侯室壁上黨應侯昂畢唐一行以山河兩戒二十八宿度數配地絡之

南北陰陽昴畢間爲天街陰陰國陽陽國元命苞曰昴畢散爲冀州立爲趙國上黨趙之分地秦趙遇於長平太白食昴未嘗食參古不以昴建上黨上黨屬晉也晉初不封上黨背參不臨上黨非昴其孰主之高平爲上黨地長平之遺跡昭然故高平當屬昴而畢在天街南陽國不占背觸距參一度爲虎首畫野在王屋以東王屋陽城之屏虎有首有身不可以參先背觸故陽城當屬背觸此可以斟酌郡之星次分合矣

主昴分

府志昔顓帝始制九州潞在冀域舜肇分十二潞隸并州漢司馬遷史記趙地昴畢之分趙分晉西有太原定潞安府志

卷之一 星野

五

襄雲中五原上黨班固漢書取三統歷十二次配十二野下分地理上準天象學本史記自胃七度至畢十一度爲趙分野屬冀州自危十六度至奎四度爲衛分野屬并州晉州郡躔次上黨入輿鬼二度是潞爲昴畢分地度入輿鬼胃昴井柳皆經緯聯絡并列一方明一統志潞爲參井分野參考躔度蓋參與畢連井與鬼連也若危室壁奎雖屬并州爲衛分野則遠不相涉矣屯留志背參分野

潞城志濁鬼宿分野

黎城志濁漳之北爲畢之分野

以上雜主各分

右考據

春秋正義諸侯祭其分野之星在地之土各有上天之分見於傳記者云商主大火參爲晉星晉語云實沈之虛晉人是居周語云歲在鶉火我有周之分野是有分野之言也以九州當十二次周禮雖云皆有分星不知其分誰分之也又三家分晉方始有趙而韓魏無分趙獨有之漢書地理志分郡國以配諸次其地分或多或少鶉首極多鶉火甚狹徒以相傳爲說其源不可得聞也

羅泌星野說春秋戰國地每遷變三晉未分晉果何分潞安府志

卷之一 星野

六

秦拔西河魏當何屬周既東西何都而直鶉火陳滅於楚何自而入韓分前封後據豈得如康成之所謂同時而當星次哉要以九州之爲正

以上辨漢志

明通志觜參實沈之次於辰在申於州爲益

晉魏冀并之域不曰

冀并而曰益州何也春秋元命苞云參伐流爲益州益之爲言阨也言其所在之地險阨也一日疆壤益大故以名焉非今之西蜀益州也晉魏之分也而井宿附入焉晉語曰實

沈之虛晉人是居晉天文志曰自畢十二度至井十五度爲實沈魏分野唐天文志曰觜觿參伐實沈也初畢七度餘八百四十一秒四之一中參九度終東井八度天原發微曰畢十二至東井十五辰申曰沿灘律中呂

斗已晉魏分費直周易說曰起畢九度蔡邕月令章句
曰起畢六度金史曰畢七度九十六分秒外人晉分實
沈之次雖度數起終稍有不同而實沈之爲晉魏其占
爲參井則無不同矣然晉志又稱東井與鬼秦雍州分
下列雲中人東井一度定襄入東井八度鴈門入東井
十六度代郡入東井二十八度太原入東井二十九度
上黨入輿鬼二度而秦地不與焉夫井鬼秦分不應全
主乎冀域而參實晉星乃遺而不道且雲中諸郡爲趙
近邊漢史占日暈曰參爲趙畢爲邊兵今縱不以屬昂
畢又不及參而專曰井鬼可乎觀唐書謂西河之濱所

潞安府志

卷之一 星野

七

以設險限秦晉故其地上應天關其南曲之陰在晉地
衆山之陽南曲之陽在秦地衆山之陰陰陽之氣并故
與東井通况晉秦俱爲西方相屬附入似亦未爲晉誣
者彼求其說而不得乃謂魏徙大梁則西河合于東井
秦拔宜陽而上黨入于輿鬼是又穿鑿附會之論也
朱之俊分野辯分野之說緣星而紀未嘗屑屑然爲之
辯也以分野官度論之明歷畢六度過申西洋歷畢八
度過申明歷井八度過未西洋歷井初度過未是申官
並無井度矣且參七星伐三星共十星參原十度觜止
半度今西洋歷增觜爲十度而參度反刪其九則在天

止有參星一度耳參星雖削晉益猶附則今晉益屬參無疑也益實是蜀蜀與晉相隔甚遠而分野則同亦如齊魯接壤而魯屬西方奎婁之分齊屬北方虛危之分中隔亥宮三十餘度宋衛接壤而衛屬北方室壁之分宋屬東方房心之分中隔燕吳齊三宮九十餘度地近而天遠之地遠而天近之其理甚微攷明山西通志有益阨之言謂益不係蜀作阨字解是十二宮中竟缺四川一省也烏乎可

潞志拾遺參井貴州及貴州宣慰司皆參井分野與潞安同雲南亦井鬼分野亦有潞江產人參且一二州郡

潞安府志

卷之一 星野

八

言語飲食略與潞同豈天氣同而人事亦因以同乎及覽徐整長歷云北斗七星每星間去九千里其二陰星相去八千里觀北斗而參井可知潞滇黔同照無疑矣府舊志觀宋洪邁容齋集謂晉天文志自危至奎爲衛之分野屬并州而并州之下所列諸郡自繫涼州又自畢至東井爲魏之分野屬益州魏諸邑與益州亦不相干而雍爲秦其下乃列雲中定襄鴈門太原上黨諸郡繆亂如此蓋皆出于李淳風之手豈非蔽于天而不知地乎余歷考前代星野之說惟太史公著論爲精漢天官書出于史記晉天文志本于漢書其分野亦是但所

屬郡邑誠謬今但以大水燉煌諸郡歸正于雍州所部以雲中上黨諸郡歸正于并州所部則躔度地里上下昭合矣淳風豈真蔽于天而不知地者哉或傳錄者之誤也此正潞之分野因辨及之

明通志星野之說自星經散佚黃帝巫咸之書世渺得聞後之作堪輿者雖有郡國所入度非古數也康成引十二次之分本漢書取三統配十二次大略見左氏國語如大梁集瑞晉文昌其霸實沈爲祟晉平受其殃則驗災祥於星土其法蓋古有之然而揚之地南而星紀則在丑冀之地北而大梁則在酉況歷代郡縣廢置不

潞安府志

卷之一 星野

九

同而歷數與歲差又不能盡合也及觀賈公彥氏謂唐叔始受封之年值歲星所在其國屬焉故以歲爲福地說亦可疑昔子產稱高辛氏有子曰閼伯封於商邱主祀大火商人是因季曰實沈封于大夏主祀參唐人是因是古人始封嘗命以主祀也若謂受封之辰則春秋列國之裔孫以占妖祥可耳至後世占分野而妖祥亦應豈皆古者受封之辰乎夫星土分野難拘州國周禮司徒言十有二土未嘗指言其所應保章氏言以星土辨九州之地未嘗析言其所辨竊謂星土以精氣相屬而不繫乎方隅占測以山河爲限而不主乎州國此一

行兩戒之說爲通論也

以上辨漢晉諸志

通志按河分兩戒之說元明以來精於測驗者往往譏其疎謬通雅云星土分野隋唐之志爲詳然自西法圖成則兩戒之說淺矣利瑪竇爲兩圖一載中國嘗見之星一載中國所未見者天河自井接尾箕盡垓垓萬方而分度界之真可決從古之疑又云河漢以十月收二月見天下皆然而嶺表臘月晴煖之夜仍見河漢總不收隱此從古無人道破者

辨唐志

程大夏黎城志曰星土之說肇自周禮而無明解鄭康成班固輩遂以十二次分屬十二野然或以一宿介乎

潞安府志

卷之一

星野

十

二國或以一國兼屬二宿總之地與天合畫疆豈能盡符且天之所覆遐邇並包豈大海以外遂無星土乎一國之內爲州爲郡爲邑不知凡幾又從一宿之中分幾度爲某邑幾度爲某州某郡益鑿矣卽冀州之域上應參井當時甸服千里三面距河今河流移徙已失其方而星躔次舍歲差已非一度郡國時分時併安能確指而不爽乎是故叅星實沈子產論其槃箕風畢雨洪範著其理刻舟膠柱難與言占步之微姑仍舊輯者並存其說可也

通辨

漢書天文志凡天文在圖籍昭昭可知者經星常宿中

外宮凡百一十八名積數七百八十三星皆有州國官宮物類之象其伏見早晚邪正存亡虛實闕隘及五星所行合散犯守陵歷鬪食彗字飛流日月薄蝕暈適背穴抱珥重蜺迅雷風祲怪雲變氣此皆陰陽之精其本在地而上發于天者也政失於此則變見於彼猶景之象形響之應聲是以明君觀之而寤飭身正事思其咎謝則禍除而福至自然之符也

晉書天文志張衡云文曜麗乎天其動者有七日月五星是也日者陽精之宗月者陰精之宗五星五行之精衆星列布體生於地精成於天列居錯峙各有攸屬在

潞安府志

卷之一

星野

土

野象物在朝象官在人象事其以神差有五列焉是爲三十五名一居中央謂之北斗四布於方各七爲二十八舍日月運行歷示吉凶五緯躔次用告禍福中外之官常明者百有二十四可名者三百二十爲星二千五百微星之數蓋萬有一千五百二十庶物蠢蠢咸得繫命不然何得總而理諸

明通志史遷曰德隆則晷星星隆則晷德昔武王祭畢而干戈載戢宣王北伐而昴宿斯著魯僖公二十四年歲星入實沈之次晉文公卽位惟邁德以亮工序事而修政則七曜順軌百祥併集蓋自然之符也

史記天官書曰變修德月變省刑星變結和凡天變過
度乃占國君強大有德者昌弱小飾詐者亡大上修德
其次修政其次修教其次修穰最下無之以上正論

右辨正

附經緯星所主

史記天官書二十八舍主十二州斗秉兼之所從來久

矣 北斗七星所謂璇璣玉衡以齊七政杓杓龍角杓

斗杓也龍角東方宿攜連也衡殷南斗衡斗之中魁枕參首一星也

言北方斗斗魁枕於參星之道周禮疏春秋緯云布度定記分州繫象

華岐以西龍門積石至三危之野雍州屬魁星大行以

潞安府志

卷之一

星野

三

東至碣石王屋砥柱冀州屬樞星

後漢書注星經云璇璣者謂北極星也玉衡者謂斗七

星也其第三星主冀州常以五戊日候之甲申爲五原

鴈門丙申爲朔方雲中戊申爲西河庚申爲太白定襄

壬申爲上黨凡八郡璇璣玉衡占色春青黃夏赤黃秋

白黃冬黑黃此是常明不如此者所向國有兵殃起

晉書天文志石氏云一主秦二主楚三主梁四主吳五

主燕六主趙七主齊

宋史天文志北斗七星第一星曰天樞其分爲秦漢志

主徐州三曰璣其分爲梁漢志主冀州一至四爲魁魁

爲璇璣五至七爲杓杓爲玉衡是爲七政星明其國昌
以上
北斗

宋史天文志三台中台上星主梁雍下星主冀 三台

宋史天文志天市垣二十二星東蕃十一星第十星曰

趙第十一星曰魏西蕃十一星第九星曰晉 天市垣

宋史天文志十二國十六星在牛女南近九坎各分土

居列國之象九坎之東一星曰齊齊北二星曰趙趙北

一星曰鄭鄭北一星曰越越東二星曰周周東南南北列

二星曰秦秦南二星曰代代西一星曰晉晉北一星曰

韓韓北一星曰魏魏西一星曰楚楚南一星曰燕有變

潞安府志

卷之一

星野

三

動各以其國占之 乾象新書以周越齊趙屬牛秦代

韓魏燕晉楚鄭屬女石申星經曰魏二星在韓星北多

隋志一星又曰晉一星在代星北與隋志代西異陶隱

居曰越星在婺女南鄭一星在越北趙二星在鄭南晉

一星在代北齊一星在燕東明史天文志女宿中之趙

周秦代各二星今各一

兩鎮三關志國星斗女之下十二諸侯之星也考一國

之休咎則國星是稽察諸變之凌犯則分野必變蓋並

行也 以上十二國

宋史天文志五車五星三柱九星在畢宿北五帝坐也

東北一星曰天獄主辰星主燕趙分及幽冀主稻五星有變皆以其所主占之

五車

星經辰星主恒山冀州幽州并州

史記天官書晉之疆候在辰星占於參罰

唐書天文志鶉首實沈以負西海其神主於華山太白位焉

以上五星

兩鎮三關志分野說嘗考分野之說有屬之五星者有主之七星者有配之支幹者有合之節氣者屬之五星者曰辰爲燕趙蓋辰水星司北方治元冥之區故其屬如此主之七星者曰斗樞主冀州之域配之支幹者曰

潞安府志

卷之一

星野

古

王燕趙癸北塞又曰亥燕代蓋運數從天年數從地日數從天星數從地從天用幹從地用支支幹相配乃成二貞其支幹復如此合之節氣者蓋周天三百六十五度四分之一分爲十二次日月之所躔也每次三十三度三十三分之十四日至其初爲節至其中爲中氣其節氣復如此夫天有四舍地有四方四舍成四象四方成四維象者青龍朱雀白虎元武也維者抱德背陽常羊號通也含有分次方有正隅皆一定而不可移者故分野以次定之亦本之天象方域之自然者耳辰主燕趙周一說也然辰者太一之精與歲星熒惑鎮星太白

共爲五緯所以紀綱羣星扶理百精匡輔化機者也經
星靜緯星動惟動故其出入宿次比附日月進退離合
伏逆遲留可以筭數推難以法象求也執之以主燕趙
隘矣配之支幹合之節氣又一說也殊不知歲遷六日
終而復始子母生尅更迭其宮斗杓爲小歲咸池爲太
歲迎背左右辱強衰昌此又術家之小數其四正四鈞
之筭雖明而五官六府之職未備執而論之又不失之
泥也乎孟子曰天之高也星辰之遠也苟求其故千歲
之日至可坐而致也於戲論天象者亦惟求其故而已

潞安府志卷之二

疆域 附坊里市鎮

周官大司徒之職必周知地域廣輪之數辨其林藪原隰而後十有二土十有二教胥於是而興則疆域之志益其重也潞安居晉之上地爲河朔咽喉領百里之縣有七將分疆畫界以熟悉其扼要斯固守土者之責矣至若里坊之宜分合市鎮之通商賈屬在疆域者合爲併載焉作疆域志

潞安府

在山西省太原府東南四百五十里 東西廣三百一

潞安府志

卷之二 疆域

一

十里南北袤二百八十里

省志廣三百二十里袤二百七十五里

東至

河南彰德府林縣界一百六十里

省志一百七十里

西至平

陽府岳陽縣界一百五十里 南至澤州府高平縣界

八十里

省志七十五里

北至遼州界二百里 東南至河南

衛輝府輝縣界三百三十里 西南至澤州府沁水縣

界二百五十里東北至彰德府涉縣一百七十里 西

北至沁州二百一十里自府治至 京師一千三百里

舊志云東平順壺關外接河南之林縣以太行山麓爲

界壺關之南轉而西爲長治長子外接陵川高平以馬

鞍壑換馬嶺丹朱嶺爲界長子之西轉而北爲屯留襄

垣外接浮山沁水岳陽沁源以方山草峪嶺爲界襄垣之北轉而東爲黎城外接沁州武鄉遼州以司馬村雙堆塢峒峪嶺爲界黎城之東轉而南與平順合外接河南之涉縣以槐樹坡爲界中抱潞城潞城之南爲郡治

長治縣 附郭

東西廣四十里南北袤一百里

縣志廣三十里袤八十五里府志廣三十五里

袤八十五里

東至壺關縣界常井村二十里 西至屯留

縣界康莊二十里長子縣界李末村二十里少南至長子縣治五十里 南至澤州府高平縣換馬村八十里

高平縣治一百二十里 北至潞城縣界李村溝二十

潞安府志

卷之二

疆域

二

里少東至潞城縣治四十里 東南至壺關縣界沙河村十五里壺關縣治二十五里澤州府陵川縣界官嶺八十里陵川縣治一百二十里 西南至長子縣界宋村三十里長子縣治五十里 東北至潞城縣界南極村十五里至平順舊縣治七十里至河南涉縣治二百一十里 西北至屯留縣界史村三十里屯留縣治六十里

坊里 先經州治時原編一百八十里後文丙都告併三里編爲一百七十七里在城曰坊坊有九編里二十三在關曰廂廂有三編里四郊外曰鄉鄉有四一曰太